

近代实行

谱以明世系而有善行者亦錄之所以昭前徽示后嗣也茲自清溪公以下至平族于派并湘族天派列为近祖实錄有碑铭傳讚者不贅其平族学派与湘族本派以后均照各谱旧錄至自志芳公后所补入人物係本絜堂公草本所輯者仍名曰近代实行

万石公

字鸣玉笃志好学补邑诸生善文词诗赋崇禎壬午与直生同订宗谱余详墓誌

以下係智盟公后裔

学侃公

字直生性穎異弱冠补诸生数赴秋闈未售见子飞音穎異抚之曰成吾志者其有人乎于是潛心教育是时土冠充斥族姓咸有避乱之思公懼旦夕分驰昭穆失次乃与万石重修谱牒公性端方虽居城市恒远器坐有东皋鹿门之风人皆仰之

学仕公

字谦所心身纯古动履端详崇禎八年公举乡耆邑侯陶以国税早輸公门杜迹年高德重行止端莊达部给授冠带

学望公

字国玉緝龙公之长子与弟璵森终身友爱性坦直遇事能决人有缓急求之立应且谦抑爱读书人延师课督子五人俱伟器冠裳相望诸孙既多且贤诚好善之报也

学仪公

字均用生平笃孝友励节凡桥梁道路寺观之修解输无吝与人和平遇事谨慎至老无一字人讼庭

学程公

字選吾性超旷卜居濯水乡有栗里鹿门之胜涉世惟任天真年九十未尝一讼于公廷子孙四十有余恪守其训岁时伏腊与乡饮宴会虽杂坐欢洽无有敢諠譁者乡人之敬慕如此潯阳叶令行乡饮礼首薦公公弗应益加重之

学邱公

字緝明性狷介不苟然诺有王彦方之风世俗以巧令为俊才以足恭为尔雅公落落穆穆不以屑意人憚其端严而未尝不爱其樸直故乡曲争端得公片言无立释一时众目为小孟尝云

学发公

字群生生而魁梧美髯状类抱朴先生性沉密谦抑不拂于俗虽傅人谗浪中无躁气无愠容正襟缓步藹如也少得引术学非非想不屑谷务与人语皆格言子三长汉文领己卯乡薦次尹言岁贡季孟侯恩拔出身初任教谕公年七十有奇卒通族长幼无不思慕焉

正奇公

字綸宣國玉公這仲子邑庠生嚴毅剛果邑有大事待公一言而決晚謝云中衫以清高自娛生子六延師課督長級次岐五岱俱邑庠生三候太學生四杰六伊皆精儒業孫曾輩出登上庠游黉序弓冶箕裘相承殆弗替云

正彥公

字敏士國玉公之四子幼補諸生旋游太學性和緩溫潤邑人咸敬仰之即他邑名流亦多往來贈答因是湖湘之士莫不知有敏士者子三長僑邑庠生次偃食廩餼季份亦好學俱有國器之譽

宗璜公

字文起康熙丙寅重修家譜裁定居多余詳傳

宗珽公

字天尺邑增生性恬光澹不屑屑于名利家素丰厚乐于施與沉酣經史望重膠庠時行鄉飲禮眾舉為介賓礼仪卒度邑侯特為心折其品行可謂度越恒流矣

宗連公

字恭玉一字器之作翕園家塾以訓子侄李伯艰先生贈序及詩詳李胡合集

宗賢公

字耀先操行積善和厚公平慷慨延賓縱談今古與人相交數十年如一日族里咸愛敬之

宗鼎公

字元臣康熙丙寅重修家譜余詳墓誌

宗发公

字成章其心浑浑其品噩噩与邻族相接开胸露臆无诈无虞人以为有怀葛之遗风焉

宗階公

字賡臣幼聪慧倜傥不羈丁吴逆寇攘遂弃举业纵情于山水间自号放浪山人年四十卒遗有嘉言多中伦者有子四长灵膺乡薦季声食廩餼后灵任海陵司马奉覃恩请受封典余详墓誌

宗侨公

字惠也敏士公之冢嗣弱冠补诸生兄弟树帜文坛一时有竞爽之目公性浑樸名利淡如宅近治宰室非公不至恬退自甘与人无竞卒年四十有七易箒时犹以无所毁伤示子若孙俾知守身之为贵真可为履满不戒作一鍼砭矣

滉公

字希韩孟侯公之冢子聪颖绝伦童时即晓制艺博极群书诗文力追古作者因尊人宦游早膺家政以贡士应乡试未售遂弃举业喜施与如捐修学宫櫺星门及学宫义田助建神祠堂专造廂屋难以枚举子孙蔚起皆其忠厚之遗也

沅公

字湘九孟侯公之仲嗣爱敬事亲恭兄友弟勇于为义如全婚抚孤焚券施木除道成梁指不胜屈宗祠久圯倡首修建祠基皆其所输又与邑人修学宫大成殿及郡学大成门重刻感应编闡幻錄有功名教以明经選司训未仕而卒其后裔书香绵延冠裳济美阴騭詎无凭哉

济公

字禹江尹言公之仲嗣性敏好学为文细心精研必求全璧食饌膠庠屡试冠军平生言笑不苟昆季亦憚其严毅共帋攻苦尽成名宿乾隆辛酉科拔萃成均未四月以疾卒于家乃其子二人皆游太学相继夭折僅遺一孙年三十余工制艺行将发軔矣亦殞身无嗣此天道之难知搔首莫得而问者呜呼其可涕也已

海公

字会宗尹言公之四子自幼嗜学弟兄俱能文登黉序而公之简重谦和为尤至匪第一堂聚顺即与外人交亦谦退自下壮岁志在显扬数赴秋闈后因目昏始弃举业卒年近八十孝慈济济昌炽其可量乎

光国公

字陞珍用宾公之三子建宗祠置祀田皆公倡首子孙贡成均登乡榜游太学者大不乏贤可谓昌其后者矣余详寿序

滋公

字夔州阵孟公之三子厚重聪慧就传后手不释卷且念高堂椿老思蚤达以慰其心倍加攻苦弱冠工制艺及父没哀毁骨立憂鬱成病遂弃其业捐县丞职卒年未浹四旬族党咸为太息其子游太学人邑庠及身虽未显扬而德彰于后矣

宗绍公

字拔伦兴鑽公之次子生平慷慨性最友爱悃兄逊士艰嗣常旦夕抱己子向日而祝曰天赐我兄一子乎后兄果六旬余产一子孔礼是其验也公喜诵诗书延师课读二子游泮勤儉持家有太古风寿七十有七人咸称其厚道不置云

孔质公

字式商拔伦公之长子幼怀真敏博学能文屡试前茅髫龄入泮赴秋闱屢膺房薦數奇未第教授生徒拔擢者指不胜屈孝友著于家庭义让闻于闾里督课孙子义方彝训靡不尽善至今手泽长垂令人深思勿置也

律纯公

字声和宗绍公之仲嗣慷慨者其性温和者其度广博者其学壮岁入泮苦心经义数不得第遂弛志棘闱家训綦严课读有法围炉共话常以诗书激子孙故至今手泽绵延莫非公治谋之善也已

孔通公

字睿公迹登公之子同怀有六天性友爱一堂聚顺始居梅塘谨身节用家产日饶乃还宅坪上后又復返梅塘生子晴川延师课读及年逾五十懼不克見其成乃促之早就成均迄今子姓殷繁皆公積善之报也

孔堂公

字次琴纯明刚直有乃父风孝友出至性家虽素丰自奉淡泊惟见义必为遇急必济立心行事如此其后之昌也宜哉

孔远公

字紫岳知书识大体竭力供职不以诿二兄其持家严谨耕读治谋课督维勤卒年九十七孙曾环列可谓德备福全矣

芳公

字远湄嗜学能文弱冠采芹仙吟公玩占公深器重之以科名相期许公益自淬励乃年纔三十而卒竟未有嗣惜哉



圣翼公

字藁汀读书能文兼通形家之说性刚直人有所为非义斥以讪言虽豪强无所畏避辛丑重修宗谱校正芟薙亦与有力焉寿高八十二其子游泮者二孙采芹者一余皆秀读樸耕循循礼法足以徵公穀似之教诲矣

圣经公

字冠六兹千公之仲子性慧直待人復周密处兄弟情益摯閒即候边饮酒怡怡一堂嘗曰人生斯世何须较短论长因錄有酒醕我之诗置诸座右亦可謂自适其性者矣

圣定公

字倣訃韻长公之长子性孝友温和平生喜于游览遍历江湖京都族里有争竞力为排解不令终讼至今人犹颂之

圣襄公

字楚雄玉相公之子淹通经籍试列前茅邑侯韩曾赐以诗箴乃数奇不遇皓首犹应童试人咸憫之

道南公

字翰图幼岁失恃为祖父兹千公所笃爱教诲慇懃比长能文试辄前茅年三十补弟子员人多以大成望之而中道齐志以没识者咸太息不置云

道器公

字載之岁贡生素性严毅甯方毋员善制艺不苟趨时尚专以清真雅正为宗工楷书一点一画无苟简处循循善诱游其门者类多成材且家贫甘淡泊布衣蔬食晏如也寿八十六终详县誌

|     |                                                                   |
|-----|-------------------------------------------------------------------|
| 盛公  | 字周緒太學生與兄東津公俱忠厚樸實古貌古心勤儉持家克守乃父煌路公之成而益恢擴之享年均八十有奇于人无睚眦之怨              |
| 道元公 | 字朮初號耕南郡增生性孝學博著有壽春秋五傳合纂等書                                          |
| 逢泰公 | 字南玩嘉慶辛未東齊學師左德濬延署教子查閱唐書刊載宰相鍾紹京源流世系與旧譜不同道光乙巳續修七輯罕卿孝先考對無異遵唐書改正余詳壽文墓碑 |
| 韶公  | 序派本字儀鳳邑庠生性敏品端善書法為文另出手眼時學憲董文敏公深契之有楚南特出之譽                           |
| 本恕公 | 字象羅邑庠生幼有大志丁世離亂未展其才                                                |
| 本善公 | 字秀區邑廩生博通經史識力高迈                                                    |
| 本有公 | 字宇靈邑廩生謙虛慕古豪爽越俗                                                    |
| 本貞公 | 字生完邑庠生聰明嗜學文望重于楚南                                                  |



本元公

字元孩邑庠生博学长才试輒前列

本奇公

字太率有才力敦节义巡抚访实题授千戎从綏远将军奏捷陞守府

三錫公

三即友派字命侯岁贡生持身严谨训迪悉有法度

三命公

三即友派字上士邑庠生性聪敏善文辞

友益公

字同人性慷慨好施与乾隆辛酉大饥捐款賑济持身端正人有不平事闻其言即服尝建宗祠严家法至今合族子弟恪遵遗训守法奉公

鎬公

系声派字西京邑庠生博学长才品高望重仗义侠好施与

鑣公

係声派字又申邑庠生性和度雅秉礼行义以方正型俗以和让教家当道闻其贤有频川遗范之褒

则公

係声派字孟友邑庠生天性孝友至德可师

若卡公

序派声字岷生才能雋敏博览群经尤长于史学湖北巡府闻其名延至幕府总理全省机务裁制咸宜兼精书法凡京都楼阁官署贡院匾额碑文皆以出其手者为佳后巡抚以军功题请授左参将旋转江南苏州知府以疾辞未赴任年六十余卒于家县令为之辦葬事子帝賁掄远掄祐俱补江夏县弟子员

景陽公

序派声字晖明邑庠生少负異才有倜傥不羈之概

金声公

字彩先同人公之子品望端正有乃父风

大泽公

字以醇邑廩生端方自持好学慕古为文一宗先正七赴棘闈  
两膺鶚薦本房批有学养已优命尚未通之叹诸生游其门者  
多登科第乾隆庚午掄贡及期不禄士人哀之

大湏公

字以正邑庠生性敏好学素履端方

大海公

字汇萬邑增生幼擅異才博通经史诗文雋永得玉茗风骨书法  
清美得元常之神性情閒雅体度端凝事亲孝道乏克全待族友  
爱尤笃言动不苟雅俗共钦尝于家塾设教人又称为孝友先生

大湘公

字楚三谦抑自持公直处世人有过举尝恐其知之故有语云甯  
农桑官府责莫使楚三闻其正直服人类如此

大鹏公

字千仞邑庠生好学慕古谦逊自持大似颍川家范

大锦公

邑庠生学政会梓其试读行世

|     |                                                                     |
|-----|---------------------------------------------------------------------|
| 元遵公 | 序派大字履先邑庠生胸罗经史名振儒林                                                   |
| 元捷公 | 序派大字有常邑庠生读书为一代之文宗品行作三湘之模范也                                          |
| 大擢公 | 字嗣夏邑庠生品行端方才堪世用                                                      |
| 白凤公 | 字卜吉府庠生秀美能文端重有体                                                      |
| 大源公 | 字濬远力学未成聚书教子及族众建立祠堂倡先人之力亦居多                                          |
| 大讚公 | 字灿远谦抑持身公平处世宗族乡党莫不奉为典型                                               |
| 大成公 | 字惟夏邑增生性敏多才豪迈不羈有时酒酣兴发须臾可千言人方之伯敬一流人物                                  |
| 大远公 | 字立人学业未成而其素行方正言出而人信服之先是祠堂规制未就公乃任为已事与濬远灿远楚三锡贤纯仁卜贤等共勦厥成置祭田备祭器宗廟規制于是大备焉 |
| 志川公 | 字就五府庠生智足过人才堪应世设立家训以约族众而祖宗遗范益振焉详县誌                                   |

志參公

字省三府庠生性敏好学篤志力行大节克敦细行亦谨固近世儒林中不多见者

志芳公

字宰衡邑庠生谨慎自持恪守先训

志昇公

字允猷篤于行义造桥修路不惜重资岁饥捐款济贫三次约一千有奇年九十五代同堂清乾隆三十九年沐恩钦赐迄今子孙多列膠庠次子道斐亦九十二岁

志恕公

字秀川好读书性长厚敦孝友与妻徐氏齐眉年九十二以无疾终详县誌

志聰公

字卜玉幼以孝称父母偶疾泪涔涔下辄不食奉养惟谨娶数月丧偶或劝曰再娶曰不幸失恃父老憊非妇女所能代自为奉养或可补所未逮亲没丧葬尽礼待两弟友爱年九十八卒先时家贫以勤俭渐饶裕属纊时出所蓄均分之餘田一石有奇为祀祖之费至今予侄犹塑像祀之

志伊公

字聘三父国安正直宽厚曾焚逋券母夏氏性慈和志伊少失怙家贫远馆戒家人竭力事母日暮即望雲垂涕母病焚香籲天求以身代兄弟友爱周摯教子弟以敦倫为先三子道脉中嘉庆丁卯科举人至今人文蔚起详县誌

继堂公

幼失恃事父盤餐奉養隻身独任不分职于兄弟后父病割股以进里人难之合族赠以真念可嘉额详县誌

道貫公

字一之孝友传家恪守先训解纷排难和族睦邻人服其公直孙曾繁衍年八十有四

道陞公

字良才太学生显章之父孝友勤俭修廟宇造义渡靡不乐捐嘉庆十六年独修上淳桥年八十有三

道相公

字萬涵性忠厚不苟言动年九十七五代同堂

道长公

字符泰为人忠厚和平家虽不丰遇穷之人乐为施与乡党有轆轳事秉公力解不忍人劳力伤财年九十有七五代同堂清道光二十六年钦赐冠带公没时子辑五年亦七十其余子孙众多均无缺限详县誌

道乐公

字行之嘉庆甲子科孝廉为文圆融精湛整齐有法应礼部试不第教授生徒讲经晰义居乡尚谦和虽童稚亦未尝慢

道脉公

字南山清嘉庆丁卯科举人品行端方事新以孝闻通经义能文章其讲学三十余年勤于启迪从游者众尤工吟詠精医学著有敦厚诗集及医学撮要待梓

道本公

字穆堂家贫年幼好读书夜不解衣漏催晓箭犹高声朗诵及弱冠时补弟子员毕业麓山有年其课艺屡列前茅赴秋闱者二十七度五膺鶚薦不售惜天竟老其才也生平守正不阿遇乡里纷难苦心排解不纳则面斥之道光戊戌年监修祠宇经营惨淡金曰有功焉

显泰公

刻苦读书沉酣经史教授生徒多所成就苦贫不问家人生业至老犹手披目览孜孜不倦详县誌

显灼公

字春华太学生敦孝弟母卒筑庐守墓性好义修桥培路推食解衣未尝少吝侄妇戴早寡难自立屡周恤以全其守族有能文者无不激励奖成卒年八十详县誌

显新公

字名有笃实谨严家敦孝友建宗祠修桥梁不惜重费年九十五代同堂乾隆三十年沐恩钦赐详县誌

显庸公

太学生存心乐善周贫乏息纷争捐祀田数石有赢余给族中无力读书与不能婚葬者年七十四卒妻柳氏卒年八十三



龔 桀 公

字絜堂績學能文清嘉慶二十五年補弟子員兩赴鄉試不售遂絕意科舉從事經史以及諸子百家之書无一不覽善飲酒喜談諧性寬厚正直遇鄉人紛難力為排解道光戊戌年監修祠宇經之營之歷四寒暑以藏其事誠有功焉

龔 震 公

字青田邑增生好學深思為文卓犖不群畢業仰高書院凡三課皆第一得黃老師心詮贈以高山流水伯牙琴千載鍾期是賞音之句與吳雲台徐海宗司馬洛少齊名時稱湘中四子貌奇古多鬢鬢然繞于兩頰嘗得修脯資分潤兄弟之貧者對於戚族故旧以至情至性相與后游幕于郴州永興益陽等縣更肆力于詩古文詞以展其所學在永與譚笏臣捐置義山在益與諸同事捐施寒衣為人慷慨行義如此著有誦芬書屋文集刊行懷二山房詩鈔待梓詳縣誌毓嵐謹述

呂 澍 公

字護堂嘉慶己卯科舉人七試春闈五膺房薦道光甲辰科大挑二等任衡州府安仁縣教諭管訓導事勅授修職郎咸丰壬子截取文到以知縣用覃恩晉授文林郎著有吹香草堂時藝駢體文集待梓詳縣誌

呂 言 公

字葛民少負異才通經義不惜科舉所居板樓台花木之盛所游在吳越燕趙之間晚從四嶽歸來到眼名山都供驅遣盪胸雲海盡入鑪錘著有止園尺牘刊行止園詩文集待梓詳縣誌毓嵐謹述

呂 珍 公

字詳開少負遠志身列戎行知兵法有孫吳謀略善戰勲勞卓著清政府特授福建全省陸路提督軍門自解組歸來尤乐于為善修義渡建義亭以利行人年荒發粟以活飢民至今猶令人歌頌不已

呂 明 公

字駿德由清監生畢業福建武備學堂歷任閩軍政局兵事研究所教官兩江督練公所提調及兩廣督練公所提調南洋陸軍第九鎮教練官三十三標一營管帶三十四標二營管帶三十六標三營管帶南洋陸軍混成協協統進清政不綱革命風潮澎湃海內外辛亥年公在甯舉事未發而武昌義師起矣即率所部隨徐固師應之因彈藥缺乏攻雨花台未開隻身走上海與各友邦領事多方周旋購運槍械彈藥接濟各軍不旬日將南京克復後任江浙粵聯軍策濟部部長兼收撫旗民清理處總辦南京衛戍總督副官處處長南京留守府高等顧問官北伐聯軍及討賊總司令部上將參謀長湖南省政府顧問官公素抱不羈之才讀書輒連夜達旦研究經史及秦漢唐宋諸大家文學惟不喜科舉當新學盛行遂投考武備通達律算地理战术尤工書法逼真李北海游歷日本參考政治曾與孫黃蔡諸公許身黨國政力革命凡二十年其勞績卓著矣姪期篤隨公軍旅有年深悉其事略姑誌之

期  
运  
公

字薇生清邑庠生工文艺多幹略善言论遇乡里纷难以理排解之  
不少阿光緒癸巳续修族谱不憚勤劳治家有法课读尤严季子雄  
轩恪遵庭训有大志嗜学能文湖南大学校法政专修科毕业曾常  
甯宜章两县县长皆公之遗泽所致也